



59833

kal.komp.



Mag. St. Dr. P

Teol. 5701.

Sierkiewicz Petrus: Fasciculus ex arborescentibus  
Hyacinthina viridaria collectus



Biblioteka Jagiellońska



stdr0001711



# FASCICULUS

Ex amœnissimo Hyacinthino Viri-  
dario Collectus,

ET INTER FESTIVAM  
SANCTI HYACINTHI  
SOLENNITATEM,

*Perillustri, & Admodum Reuerendo Domino,*

D. HYACINTHO  
BRYSZKIEWIC,

Sacri, & Candidissimi Ordinis Præ-  
monstratensis, Canonorum Regularium  
Præposito Zwierzynecensi,

DOMINO, Ac BENEFACTORI AMPLISSIMO,

*In argumentum debitæ venerationis, & Gratulatorij applausûs  
Apollinis Cytharâ*



*A*

M. PETRO SIENKIEWIC,

In Alma Vniuersitate Cracouiensi, Philosophiæ Doctore  
& Professore, Scholæ Sanctorum Omnium Seniore,

D E D I C A T V S.

---

C R A C O V I Æ,


Ex Officina ALBERTI GORECKI, S. R. M. Typogr.  
Anno Domini 1687. Die 17. Augusti.

h h h.

58.



IN GENTILITIVM INSIGNE  
 Perillustris & Admodum Reuerendi  
 D O M I N I.



*See line of print.*

Quòd ROSA BRYSCOVII, purâ niue purior albet;  
 Concolor est Domini moribus iste color,  
 Non sic Pæstani nituit ROSA pulchra viretis,  
 Quàm Tua BRYZKIEWIC pandit odore decus.  
 Siue ROSIS HYACINTHE Tuis vis seu HYACINTHIS,  
 Exornare caput, terna corona nitet.

IOANNES CYRVS, *Alumnus Scholæ  
 Grammatices.*



PERILLVSTRI, ET ADMODUM  
REVERENDO DOMINO,

D. HYACINTHO  
BRYSZKIEWIC,

Sacri, & Candidissimi Ordinis Præ-  
monstratensis, Canonico Regulari, Præ-  
posito Zwierzynecensi, &c.

DOMINO, & PATRONO AMPLISSIMO.



*A*D Vernantissimum Rosarum Tuarum delictum, dilectus Tibi quia ex amoenissimo Diui HYACINTHI Viridario collectus, suavi virtutum odore vernans fasciculus venit. PERILLVSTRIS & ADMODUM REVERENDE DOMINE. Amoenus quippe omnibus, sed præcipue Tibi à prima adolescentie Tuae purpura, non in fabuloso semiramidis horto; sed in fragranti Diui Dominici vireo efflorescens, in coronamentum tuum iure merito cedit. Nimirum non sterilis, quia exceptus animo, non tam in verba; quam in vota & omina excreuit. Æstimat se esse Tibi gratissimū (quia Diuinissimi Tui speciali titulo,) Tutelæ cuius tu non tantū nomen, sed & amulam pietatem, ut dignus tanti Patris filius habes, eiusq; nominis auspiciatissimum omen geris. Dedeceret pullulantem hunc florem in alieno maturescere solo; nisi in Tuo amoenissimo Gentilitio Roseto, quod non tantum terrestres; verum etiam Cælestes Incolas; ut suavi permulcet odore; ita grato semper recreat virore. Nescit Gentilitia Tua Rosa humi serpere, nec depressa coronare loca, magnis sed tantum culminibus debetur, & quò magis excelsa referta virore, eò Cælesti recreata vigore, detestata magis, quam verita acutam Tarquinij falcem, tam inter frigidos laborum Aquilones, quam turbulentos molestiarum Notos, obluantibus fatorum velus Eoli ventis intasta, suauissime semper vernat. Nec sanè fertilior vberiorq; ex aureis Hesperidum hortis, aut florido Tusculani vel Alcinoi Viridario, non humanarum tantum, sed Cælestium coronarum materies prouenit; quam à Tuis Gentilitijs Rosis, qua leguntur tutius quam carpuntur, sentiuntur gratius, quam manibus premuntur, tantumq; eliciunt laudis & amoris, quantum totum in orbem diffundunt benefici odoris, eò magis grata, quò plus de Cælestibus, nihil planè de terrestribus spirantes. Iactet potens Epirus Dodoneum lucum, solà tantum superstitionis caligine clarum, ex quo vocales arbores, & suauissimi flores prodierunt. Longè lateq; hoc præstat BRYSZKOWIANA ROSA, non suavi tantum virtutum odore; sed candido vitæ proba colore, puritatem, innocentiam, candorem, non simulanter ad speciem exprimente, tantumq; ab illis differt, quantum Libana Cedrus ab arundine cernitur distare. Fragrat hac Rosa Tua Gentilitia candidi amula lilij, fragrantissimo Diui Norberti nitore, rubet iucundè natiuâ verecundiâ, tam inter Ducales Mitras, Episcopales Infulas, Senatorum Curules, quam etiam inter Sacra erudita Palladis subselia suauissime eminente. Et certè non sic amœna Tempe, Rosaq; Pastana gratà suauolentiâ animis mortalium suere, quam Candidissimo Præmonstratensi Paradiso, triplex Rosarum Tuarum delictum, suauissi-



mos gratiarum odores, amēnos summa humanitatē nitores sparsit. Agnoscit Te equissimum consiliorum suorum Nestorem multoties Ecclesia Zwierzyneconsis, quam Tu odore sicut odore agri pleni adeo impleuisti; ut tota Rosis Gentilitijs Tuis cincta gemmis gratiosior; sed sponso suo verē conformis efficiatur. Subit enim uero ingens quadam admiratio mentes sapientum Virorum Cleantbeas, cum prodigium illud eruditi pectoris Tui nec capere ex integro, nec stupere ex merito possit, quod in mentem Tuam curis publicis fatigari nesciam, eam inuidentes sapientiam, & dexteritatem, eam animi elegantiam, ac oris vultusq; grauitatem, eam tractandorum animorum peritiam, & suauitatem, eam Pastoralem vigilantiam, ut nec Centoculos antiquitati Argos, Nemeosq; leones Sacrum ouile Tuum inuideat. Quantum verò Diuina suada Tua Rosas & Lilia loquentis valor, ut merito dicam suis apibus conditus Plato non est sapidior; melle stipata Nestoris facundia non erit maturior, quam Tuus nectare dilutus sermo, ubi inter prudentia ab ore verba Cecropia examina suo melle suauia videntur euolare. Nec dissimilis Flori suauissimo Diuinissimo Tutelari Tuo integritas puri candoris resplendet, cui nil gratias promeritum nisi virtutibus coruscum, nil iucundum, nisi Sacro apparatu cultum existere videtur. In praconium non vocabo ceteras virtutes tuas, sed infirmitati potius meae, & angustijs chartae id concedes, quod non omnes calamo comprehenderim, cum tantum calo capi posse omnes videantur. Certabunt inuicem de Tuis praeclaris virtutibus sera posteritati tradendis, augusta Apollinis delubra, domusq; Hygeae sacrata, cum totum in immensum laudum Tuarum encomium effundent Castalum. Quauquam longius me à Rosa Tuagloria Tua abripit veneratio, cui cum rudis calamus non sufficiat, satius est pudore suffundi, quam quae omnium oculis & animis nota sunt, tenuissima viribus eloquentia attentare. Pande itaq; Gentilitium Rosetum Tuum PERILLVSTRIS & ADMODVM REVERENDE DOMINE, ut sacer ex omni florum coronamento Fasciculus beatis honoribus suis securē vernet. Non intra aliud coronamentum recipi floridus Fasciculus elegit; quam inter purpureum BRYZKOVIANVM ROSETVM, cum aureus ipsi Hesperidum hortus sit, intra quem quidquid clauditur, ab aureo euo descendit, victuraq; gloria fontem perpetuum habet. Magnam ego Fasciculi Sacri cum Gentilitijs ROSIS Tuis sympathiam cum suspiciam, quidni eum in sinu Tuo deponere conuenientissimum censeam: idq; eò libentius; ut quidquid rudis calamus meus possit, id honori Tuo impendam. Perennabis PERILLVSTRIS & ADMODVM REVERENDE DOMINE quia Diuinissimo HYACINTHO Tutelari Tuo dilectus, abundabis muneribus illius cuius manus tornatiles aurea plena HYACINTHIS. Ego insuper non manibus dabo suauē rubentes HYACINTHOS, sed votis vota coram Deo Immortali uovere nunquam desinam; ut Te amplitudine, gloriā, honoribus, in Ecclesia Dei adornatum, Pyleam in aetatem, Candidum faciat vernare HYACINTHV.

Perillustri, & Admodum Reuerendae Dominationis Vestrae,

Cliens Deditissimus,

M. PETRUS SIENKIEWIC,

Philosophiae Doctor, & Professor, Scholae  
Sanctorum Omnium Senior.

EPI



# EPIGRAMMA.

## I.

*In Sanctum Hyacinthum nascentem.*

**S**Vrgant Pierides Viridi de monte Sorores,  
Ornenturque comæ, flos **HYACINTHE** Tuæ.  
**C**um cernas aliam redimitam fidere frontem,  
Empyreo niteat fidere, planta frequens,  
**C**ur stellas terræ flores in tempora Diui  
Agnati cælo, Flora Polona neget.

## II.

*In eundem natum in Polonia.*

**E**xultent Lechia ô fælix, simul æthera tecum,  
Nidum quod teneas, spes venit inde Tibi.  
**M**olem qui portent Patriæ, si quæris Atlantes,  
Atlas Cælestis, nascitur ecce Tibi.  
**S**plendens Ecclesiæ toti, gentique Polonæ,  
Cum cæli faciem, flos **HYACINTHVS** habet.

## III.

*Fascijs inuoluitur S. Hyacinthus.*

**F**ascia me retinet tenerum, cum corpore stricta,  
Membris innocuis, stringor & ipse meis.  
**C**ur stringis vittâ Mater sobolem neo natam?  
Fascibus infantis cingeris ipsa Tui.  
**C**ælesti puer hic, vinciri poscit amore,  
Vitta Deus nato, vita perennis erit.

## IV.

*Ab Iuone Episcopo Craconiensi Musis consecratur.*

**S**uscipit in gremium Parnassia Musa puellum,  
Principium studij, cruxq; polusq; tenet.  
**P**roficis Alme puer, Christo dictante Magistro,  
Vt doceas homines, semper amare Deum.  
**V**ulnera centeno statuit pro codice Christus,  
Vnde Tibi largè docta Minerua fluit.



## V.

*Sacer Orator quoties ad populum perorat, toties plurimos peccatores ad  
Deum conuertit.*

Diuinæ Cathedræ Præses, velut alter Aquinas,  
Dogma pium fundens, quod stupor omnis habet.  
Aureus Orator, percellens fulmine fontes,  
Cum Niobes hominum faxea corda liquent;  
Non sic Threijcio deductæ carmine filux,  
Quàm duros hominum traxerat ille animos.

## VI.

*Sanctus Hyacinthus Canonicus Cracouiensis  
electus.*

Intra peraugustum cupiens vernare vauelum,  
Pulchrius hoc flore, vt terna corona micet.  
Atque suum insignem cleri nunc surgere florem  
Altius, in sacro dogmate suauè iubet.  
Cum Canonum Themidisque Sacræ, responsa locutus,  
Aureus ore tripas, consilijque penu est.

## VII.

*Romam pergit cum Iuone Episcopo Cracouiensi, ibique Diuo Domi-  
nico iungitur.*

Romuleas HYACINTHE Petri vis cernere Sedes,  
Roma caput mundi, fit Tibi dulcis amor.  
Cælestem dubitas terrenumque inter amorem,  
Ecce Tibi præstò, cor Dominicus adest.  
Excipit optantem Romæ, dulcedine plenus,  
Suauia delicijs oscula datque Patri,  
Iunctus ei socius, vitæ morumque Parenti;  
Vt non moratis, mystica verba sonet.

## VIII.

*Romæ Sanctus Hyacinthus Diui Dominici habitum Religiosum  
suscipit.*

Dulce solum Patriæ est, & ab hoc excedere dulce,  
Si quis idem decorat, præmia laudis habet.  
Deferis hoc HYACINTHE iterum, rediturus ad illud,  
Mutato cultu, clarior inde redux.



Iam iam te decorat Dominici candida vestis,  
 Nempè Sacros humeros, ambiat alba chlamys.  
 Fulserat hâc, faciem referens HYACINTHVS Olympi,  
 Quâ ferit excelsos fama relicta polos.

## IX.

*Mittitur in Poloniam cum alijs Socijs, à Sancto  
 Dominico.*

Vtique quod primùm decorauit honoribus Almam,  
 Romam: cum Socijs deseruisse cupit,  
 Ipsius eloquio Cathedras, ac pulpita templi,  
 Impleuit magnum dotibus ingenium.  
 Intensis votis, hunc poscit Lechia Mater,  
 Ocyus vt tandem mystica verba ferat.  
 Quem socij florem, ternâ sepsere coronâ,  
 Vt fructus ternus, surgeret inde polo.

## X.

*In Gratiam S. Hyacinthi, Iuo Episcopus Cracouiensis, ædificat Cracouiæ  
 templum Sanctissimæ Trinitatis.*

Este procul Troiæ muri, Capitolia Romæ,  
 Pergama Lycini marmora pulchra procul.  
 Iam non Deucalion lapides iacit, ast HYACINTHI  
 Sancta manus, quibus est ædificata domus,  
 Ergo surge Parens Cracidos Vrbs nescia vinci,  
 Ecce sacrata domus, robora firma parat.

## XI.

*Sanctus Hyacinthus traiecit socios in pallio suo per Vistulam sub cini-  
 tate dicta Pisogrod.*

Nunc mihi nunc Elegi velis maioribus ite,  
 Nauigat in magno flumine, Diuus homo.  
 Stare Deum pelagi iubet cessare tridentem,  
 Namque tridente procul, temperat ille salum.  
 Proh stupor! en calcant focij pede flumina sicco,  
 Anchora dextra fuit, pro rate vestis erat.



## XII.

*B. V. Maria S. Hyacinthum visitat, & alloquitur eum his verbis:*  
Gaude fili HYACINTHE &c.

Pandite ferratos claustralia Numina postes,  
Pandite claustra Viri, cælicus hospes adest:  
Hinc super æthereo sttingant Tua viscera plausu,  
Mater te alloquitur, voce sonante sua.  
Visitat hospes Virgo domum Sacra quando HYACINTHI,  
Hospitis ille suæ, nomina magna stupet.  
Vtque salutauit benedicens ille MARIA M,  
Alloquitur natum suauius, Alma Parens,  
Vt Tua grata meo nato est, Oratio quæuis,  
Ex hac magna Tibi, commoda ferre volo.

## XIII.

*Confractis manibus pedibusque, eius ope sanantur.*

Luxatis membris, confractis cruribus, ad te  
Sano perueniunt, Diue Patrone pede.  
Mentis inops, ratione carens, raptusque furore,  
Sanatur cum fert, flos HYACINTHVS opem.  
O Medicina potens? quæ concurrentibus ad Te,  
Ipsamet occurris, cunctaque sana facis.

## XIV.

*Moritur Sanctus Hyacinthus, ipso peruigilio Assumptionis  
B. M. Virginis.*

Sanguineas armata manus, mors tristis Amazon,  
Mens tamen à Parcis, inuiolata manet.  
Sustulit ah Libitina ferox, Te flos HYACINTHE.  
Totus ab hoc fructus, credite flore viret.  
Hæc eadem Virgo, cui Sancta patebat opella,  
In gremium sumpsit, Teque fouere cupit,  
Sublimi fato, dignatur Virgo Clientem,  
Patria Cælestis, tradita Diue Tibi.

## XV.



33

XV.

*Tumulatus & incorruptus manet S. Hyacinthus.*

Dic mihi quô rigidum vergit corruptio telum?

Quoque tuum vergit trux Libitina scelus?

En manet excepto intactoque cadauere corpus,

Qualis Phœnicis, sub strue forma viget.

Talis eras HYACINTHE nouo post fata superstes;

Vultu incorrupto, iam propè morte carens.

Este procul taxi, & tumulum tectura cupressus,

Te manet æternum, lauriger inde vigor.

XVI.

*Gratum odorem exhalant Lipsana S. Hyacinthi.*

Exhalant suaues flores cùm Lipsana Diui,

Cur flores? gratus flos HYACINTHVS erat.

XVII.

*Epitaphium S. Hyacintho.*

Vandale veliuolo circumflue vandale fluctu,

Et circumcingens mœnia firma Craci,

Dic vbi vistulei domitor iacet ille fluenti?

Natus in ignotis num iacet ille locis?

Cùm radias clâro tumuli defossus honore,

Quem Tibi construxit, Cracia Sacra Trias.

Sicne iaces HYACINTHE Tuis contermine ripis?

Orte simul Patrio flosque reposte solo.

XVIII.

*Polonia in summis Regni periculis opem S. Hyacinthi implorat.*

Quid faceret dubijs concussa Polonia rebus,

Exterius feruens interiusque simul.

Auxilijs orbata suis, orbata probatis

Confilijs, summam mente precatur opem,

Te vocat instanter supplex ô flos HYACINTHE,

Teque Patrem Patriæ, poscit habere suum.




Vel Te gentis amor, vel Te Tua Patria tangat,  
 Non potes Altricis non meminisse Tuæ.  
 Sæpè Ducem Patriæ recinit gens, Teque Polona  
 Fama Corynthiaco spirat in ære diu.  
 Cernis vt assultent cunei! ni iuueris actum est!  
 Transilit en fossam pænè Tyrannus humum!  
 Trans Tanaïm, trans flumen Hebri, captiua trahuntur,  
 Corpora, & ingenuæ nobilitatis honos?  
 Eia celer perturbatos solare Polonos,  
 Continuò mala sic quos decumana premunt.  
 Hæc Tibi defensi pro manibus Orbis & Urbis,  
 Iure feret meritò, Ciuica ferta, Lechus.



*L. xxiii. 57*







1234